



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1863**

LIII. Markgraf Otto sichert den Herzögen von Braunschweig und Lüneburg  
den Mitbesitz von Lenzen, am 30. November 1368.

---

---

**Nutzungsbedingungen**

[urn:nbn:de:hbz:466:1-56044](#)

LIII. Markgraf Otto sichert den Herzögen von Braunschweig und Lüneburg den Mitbesitz  
von Lentzen, am 30. November 1368.

Wir Otte, von gots gnaden Marggraue zu Brandenburg, des heiligen Römischen Richs öbirste kemerer, Pfalentzgref bie dem Rine vnd hertzoge in Beyern, Bekennen vnd tun wizlich allen guden lütten, daz wie mit den hochgeborenen fürsten, vnser lieben Oheimen, hern Wilhelm vnd hern Magno dem Jüngern, hertzogen zu Brunswik vnd zu Lüneburg, eintrechtklichen mit einander gelöst haben Lentzen, Sloz, stad vnd land, von den Böfeln, durch nutz vnd fredes willen vnser lande. Vnd daz schölen sie vnd ere rechten erben mit vns bruchelichen besitzen, mit allem richte vnd rechte, nutz vnd zubehoringhe, alz ez dar gelegen ist vnd aldinghes hat gewesen, also lange, biz dat wie vnd vnse erben en vnd eren rechten erben fullenkömlichen bezalet hetten Eilf hundert mark Steindalifses filbers vnd gewichtes binnen der stat zu Brunswik oder zu Lüneburg. Vnd wanne wie daz tun wollen, daz scholen wie en vnd willen ein vierteil Jars vor kündigen. Wanne sie alsus von vns bezalt fint, so schal Lentzen, Sloz, stad vnd land, vns vnd vnser erben vnd nakömlingen von en wedir ledich vnd los wesen, mit allem rechte, an einegerleie hinder vnd widersprache. Wer auch, daz wie den fromen lütten, Geueh., Rittere, Albrechte, knechte, brüdern, geheizzen von aluenfleuen vnd eren erben daz vor kündegeten ein vierteil Jars vnd wie en die vorgeschriven Eilf hundert mark Steindalifses filbers vnd gewichtes bezalten also, daz en gnögete, so schölde vns auch lentzen ledik vnd los wesen, mit allem rechte, als hir vor geschreben stet, funder einegerleie ander vorwifunghe. Vnd wenne wie oder vnse erben vnser vorgenannten Oehemen oder den von aluenfleuen auch vorgenant oder ere eynem der vorgenannten eilfhundert mark filbers bereitunge getan haben, so schöllen disse brieue tod vnd machtlos sin. Ouch scholen wie vnde wollen mit vnser Oehemen gliche wer vnd koste zu lentzen legen vnd halden gegen alle vnse viende. Vnd wanne wie vnd vnse Oeheme oder vnser beider ammechtüte vnser beider viende vnd Röubere füchen vnd ane griffen wollen, dar schal vnser ein dem andern getrüwelichen zu beholzen wesen mit finer macht, wanne vnd wu dicke vns des an beidentfiten nod is. Wer auch, daz vnser beider viende vnd Röubere Jemand hegede, hufete, herbergete oder mit ichte beholzen wer, oder wie sich des anneme, den schöllen wie vnd wölden veiden vnd angriffen, glich vnser offenbaren vienden vnd Röubern, Vnd enschöllen vns vnd willen an beidentfiten met en nicht freden oder sünien, ez engesche mit vnser beider willen oder wie hetten vnser krieges an beidenfiten einen gantzen ende. Wer auch, daz enich vfftoz vnd zwidracht zwischen vnser Oehemen vnd vns geschehe, daz god wende, dar scholden vnser beiden amptlüde, Ratman vnd bürgere zu lentzen an beidenfiten stille zu sitzen. Doch schal vnser Oehemen vnd vns Sloz vnd stat zu Lentzen offen wesen zu allen ziten, die disse setzunge vnd pfendunge steet, vnd wollen auch vnd stüllen binnen der zit die amptlüde des Slozzes, die bürger der stat vnd man vnd bur des landes zu lentzen zu allen iren nötzen an beidentfiten truwelichen vnd flizlichen beschirmen vnd vorteidingen. Ouch schöllen alle andere brieue, die wie vnder einander gegeben haben, mit dissem brieue bie voller macht bliben vnd vnverbrochen. Daz rede wie vorgenantir Otte, Marggraue zu Brandenburg, für vns, vnse rechten erben, den vorgeschriven Wilhelm vnd Magno dem Jüngern, hertzogen zu Brunswik vnd zu Lüneburg, vnser lieben Oehemen vnd iren rechten erben in disem gegenwärtigen brieue in guten trüwen, alle disse vorgeschriven stücke stete vnnd faste zu halden vnverbrochen. Zu einer

grözzern bezügunge alle diser vorgeschriven dinghe haben wir vnse Insigel an disen brief lazzen hengen. Gegeben zu Lentzen, nach gots geburd drützehenhundert Jar, dar nach in dem achte vnd Sestigistem Jar, an sente andreas daghe.

Nach Subendorf's Urk.-Buch. III, 265.

LIV. Die Stadt Lenzen huldigt den Herzögen von Braunschweig und Lüneburg und den von Alvensleben, am 18. November 1368.

Wy Ratman vnde Meyne Borghere in der Stad to Lentze bekennet openbare in desseme Breue, dat we den dorluchteghen vorsten, hern Wilhelme vnde hern Magnuse deme Jungheren, herteghen to Brunswich vnde to Luneborch, vnde eren rechten Eruen vnde Gheueharde, Riddere, Alberne, knapen, broderen, heten van Aluenfleuen, vnde eren rechten Eruen huldeghen hebbet vnde huldeghen Jegenwardeghen an desseme breve, vnde willet vnde schollet en truwe wesen in allen Saken, alse borghere eren heren to rechte scholen, vnde wy willet vnde scholet en truweliken denen vnde beholpen wesen, vnde de Stad to lentzen open holden to alle eren noden, wanne vnd wo dicke en des not is, ane Jenygherhande helperede eftre arghelist in aller wife, alle we vnseme gnedeghen heren Marcgreuen Otten to Brannenborch doen Schullen vnde ghesworen hebbet, also langhe, went vnse here, de Marcgreue, vorgenomt en vnde eren eruen brukeliken betalet heft eluen hundert mark Stendeleghes fuluers vnde wichte, alse erer beyder Breue vtwiset, de se vnder eyn ander ghegheuen hebbet. Weret ok, dat Jenich vpstot eftre tweedracht schude myd vnseren vorbenomden heren, dem Marchgreuen, af ene fid, vnde den herteghen af ander syd, dat ghod wende, so scholde wy af beyder fid dar stille to sitten. Doch scholden se vns like truweliken vordeghedinghen in alle vnseren noden. Alle dese vorscreuenen stücke loue we vorscreuenen Radman vnde meynen borghere der stad to lentze, den vorbenomden vorsten hern Wilhelme vnde hern Magnuse vnde eren rechten eruen, Gheueharde, ridder, Alberne, broderen, heten van Aluenfleuen, vnde eren rechten eruen myd sammeder hant in truwen in desseme breue, stede vnde vast to holende vnde vnvorbroken, ane Jenegherhande arghelist eftre hulperede. To eyner grotteren betughinghe alle deser vorscreuenen ding hebbe we vnser Stad Ingheghel myd vnser aller witschop willen vnde vulborde hengt laten an dessen bref. De gheuen is in der Stad to Lentze, na Ghodes Bort Drutteyhundert Jar, an deme achte vnde Sesteghesten Jare, an deme achten daghe Sunte Mertens, des hilghen Bischopes.

Nach Subendorf's Urk.-Buch. III, 266.